



- Skoðum nú p-n-skeyti sem eru skörp
- Gerum nú ráð fyrir p- og n-hálfleiðara sem skeytt er saman til að mynda samskeyti
- Áður en þeim er skeytt saman hefur n efnið mikinn þéttleika rafeinda og fáar holur og hið gagnstæða gildir um p-efnið
- Þegar p og n hálfleiðararnir koma saman sveima holur frá p-hálfleiðara til n-hálfleiðara
- Við þetta byggist upp rafsvið yfir skeytin



- Efnismætti n-gerðar hálfleiðara er nærri neðri brún leiðniborða og í p-gerð hálfleiðara er það nærri gildisborða
- Þegar hálfleiðurunum er skeytt saman leita rafeindirnar til lægra efnamættis og fylla holurnar (eyða þeim)





- Þegar rafeindirnar hafa fallið í holur og eytt bæði rafeind og holu, þá situr eftir **berasnautt bil** (e. depletion region) umhverfis samskeytin sem er snautt hleðsluberum
- Þessar jónir leiða til rafsviðs yfir berasnauða bilið
- Stefna rafsviðsins er öfug við straumstefnu hleðslubera



- Rafsviðið veldur rek straumum sem eru gangstæðir við sveimstrauminn
- Það safnast ekki fyrir rafeindir eða holur á samskeytasvæðinu eða

 $J_{\rm p}({\rm rek}) + J_{\rm p}({\rm sveim}) = 0$ 

 $J_{\rm n}({\rm rek}) + J_{\rm n}({\rm sveim}) = 0$ 

- Rafsviðið byggist upp þangað til heildarstraumurinn er núll í jafnvægi
- Rafsviðið myndast á svæði af breidd W umhverfis skeytin og það myndast spennumunur  $V_0$  yfir W
- V<sub>0</sub> er kallað **snertimætti**

• Rek og sveim styttist út í jafnvægi

$$J(x) = q \left[ \mu_{\rm p} p(x) \mathcal{E}(x) - D_{\rm p} \frac{\mathrm{d} p(x)}{\mathrm{d} x} \right] = 0$$

eða

$$\frac{\mu_{\rm p}}{D_{\rm p}}\mathcal{E}(x) = \frac{1}{p(x)} \frac{\mathrm{d}p(x)}{\mathrm{d}x}$$

þar sem stefnan á x er valin frá p til n.

• Nú er rafsviðið tengt mættinu með

$$\mathcal{E}(x) = -\frac{\mathrm{d}V(x)}{\mathrm{d}x}$$







• Með jöfnu Einsteins

$$\frac{\mu_{\rm p}}{D_{\rm p}} = \frac{kT}{q}$$

fæst

$$\frac{-q}{kT}\frac{\mathrm{d}V(x)}{\mathrm{d}x} = \frac{1}{p(x)}\frac{\mathrm{d}p(x)}{\mathrm{d}x}$$

• Tegrum

$$\frac{-q}{kT}\int_{V_{\rm p}}^{V_{\rm n}}\mathrm{d}V = \int_{p_{\rm n}}^{p_{\rm p}}\frac{1}{p}\mathrm{d}p$$

SVO

$$\frac{-q}{kT}(V_{\rm n} - V_{\rm p}) = \ln\left(\frac{p_{\rm p}}{p_{\rm n}}\right)$$

• Umritun gefur

$$V_0 = V_{\rm n} - V_{\rm p} = \frac{kT}{q} \ln\left(\frac{p_{\rm p}}{p_{\rm n}}\right)$$

þá er

$$\frac{n_{\rm n}}{n_{\rm p}} = \frac{p_{\rm p}}{p_{\rm n}} = \exp\left(\frac{qV_0}{kT}\right)$$

 $\text{par sem } p_{\rm p} n_{\rm p} = n_{\rm i}^2 = p_{\rm n} n_{\rm n}$ 

- Í jafnvægi verður Fermiorkan að vera fasti yfir samskeytin í tólinu
- Þar sem  $p_{\rm n}$  og  $p_{\rm p}$ eru í varmajafnvægi utan við berasnauðabilið þá má rita

$$\frac{p_{\rm p}}{p_{\rm n}} = \exp\left[\frac{qV_0}{kT}\right] = \frac{N_{\rm v}\exp\left[-\left(\frac{E_{\rm Fp}-E_{\rm vp}}{kT}\right)\right]}{N_{\rm v}\exp\left[-\left(\frac{E_{\rm Fn}-E_{\rm vn}}{kT}\right)\right]}$$

eða

$$\exp\left[\frac{qV_0}{kT}\right] = \exp\left[\frac{E_{\rm Fn} - E_{\rm Fp}}{kT}\right] \exp\left[\frac{E_{\rm vp} - E_{\rm vn}}{kT}\right]$$

og þar með

$$qV_0 = E_{\rm vp} - E_{\rm vn}$$

• Hér táknar vp gildisborða p-megin samskeyta



skeytin í voltum



• Med godri nalgun getum við sagt að rumhleðslan í bilinu W umhverfi samskeytin stafi einungis af  $N_{\rm D}^+$  og  $N_{\rm A}^-$  jónum

- Á umbreytingarsvæðinu sveima rafeindir frá n til p en aðrar reka vegna rafsviðsins frá p til n (og sambærilegt má segja um holur)
- Tvípóllinn sem myndast um skeytin vegna rúmhleðslunnar verður að hafa sömu hleðslu beggja vegna skeytanna  $Q_+ = |Q_-|$
- Þannig getur vegalengdin sem berasnauða-bilið nær inn n- og p-efnið sitt hvoru megin skeytanna verið mislöng
- Fyrir skeyti með þverskurðarflatarmál A má rita

$$qAx_{\rm p0}N_{\rm A} = qAx_{\rm n0}N_{\rm D}$$

þar sem  $x_{p0}$  er stærð berasnauða-bilsins í p-hálfleiðaranum og  $x_{n0}$  er stærð berasnauðabilsins í n-hálfleiðaranum

• Til að finna rafsviðsdreifinguna yfir berasnauðabilið byrjum við með jöfnu Poisson

$$\frac{\mathrm{d}\mathcal{E}(x)}{\mathrm{d}x} = \frac{q}{\epsilon}(p - n + N_{\mathrm{D}}^{+} - N_{\mathrm{A}}^{-})$$

sem tengir stigul í rafsviði við rúmhleðsluna við x

• Jafnan einfaldast þegar gert er ráð fyrir að engir hleðsluberar séu á svæðinu og gert er ráð fyrir fullkominni jónun íbótarinnar  $N_{\rm D}^+ = N_{\rm D}$  og  $N_{\rm A}^- = N_{\rm A}$ 

$$\frac{\mathrm{d}\mathcal{E}(x)}{\mathrm{d}x} = \frac{q}{\epsilon}N_{\mathrm{D}} \quad \text{ef} \quad 0 < x < x_{\mathrm{n}0}$$
$$\frac{\mathrm{d}\mathcal{E}(x)}{\mathrm{d}x} = -\frac{q}{\epsilon}N_{\mathrm{A}} \quad \text{ef} \quad -x_{\mathrm{p}0} < x < 0$$



- Við sjáum að graf af  $\mathcal{E}(x)$  sem fall af x hefur tvær hallatölur
- Jákvæða (vex með x) n megin við skeytin og neikvæða (fellur með x) p megin skeytanna
- Rafsviðið tekur lággildi við x = 0
- $\mathcal{E}(x)$  er neikvætt allsstaðar á bilinu

- Við vissum fyrir að  $\mathcal{E}(x)$  var í -x-stefnu (frá n til p) vegna hleðslustraums
- Minnsta gildið á rafsviðinu er

$$\mathcal{E}_0 = -\frac{q}{\epsilon} N_{\rm D} x_{\rm n0} = -\frac{q}{\epsilon} N_{\rm A} x_{\rm p0}$$

- Viljum nú tengja rafsvið og snertispennu  $V_0$
- Vitum

$$\mathcal{E}(x) = -\frac{\mathrm{d}V(x)}{\mathrm{d}x}$$

eða

$$-V_0 = \int_{x_{\rm p0}}^{x_{\rm n0}} \mathcal{E}(x) \mathrm{d}x$$

• Sem gefur

• Notum 
$$x_{n0}N_D = x_{p0}N_A$$
 og að  $W = x_{p0} + x_{n0}W_{n0}$   
 $x_{n0} = \frac{WN_A}{N_A + N_D}$ 

eða

$$V_0 = \frac{1}{2} \frac{q}{\epsilon} \frac{N_{\rm A} N_{\rm D}}{N_{\rm A} + N_{\rm D}} W^2$$

sem við leysum fyrir W

$$W = \left[\frac{2\epsilon V_0}{q} \left(\frac{1}{N_{\rm A}} + \frac{1}{N_{\rm D}}\right)\right]^{1/2}$$

• Þá er

$$x_{p0} = \frac{WN_{D}}{N_{A} + N_{D}} = \frac{W}{1 + N_{A}/N_{D}}$$
$$x_{n0} = \frac{WN_{A}}{N_{A} + N_{D}} = \frac{W}{1 + N_{D}/N_{A}}$$

- Berasnauðabilið nær lengra inn í létt íbætta efnið
- Ef  $N_{\rm A} \ll N_{\rm D}$  þá er  $x_{\rm p0}$  stærra en  $x_{\rm n0}$
- Breidd berasnauða bilsins er í réttu hlutfalli við kvaðratrótina af spennunni yfir skeytin
- $\implies$  Dæmi 10.1.



- Straumur rennur auðveldlega frá p til n þegar á p er lögð jákvæð spenna með tilliti til n, **framspennt**
- nær engin straumur rennur þegar p er neikvætt með tilliti til n, bakspennt
- Álögð spenna fellur að mestu yfir berasnauða bilið



Frá Sze and Lee (2012)



- Gerum ráð fyrir álagðri ytri spennu V, sem er jákvæð þegar jákvæð spenna er á p með tilliti til n
- Mættisþröskuldurinn við samskeytin er lækkaður með framspennu  $V_{\rm f}$  svo hann verður  $(V_0 V_{\rm f})$
- Við bakspennu  $V_r$  hækkar mættisþröskuldurinn við samskeytin svo hann verður  $(V_0 + V_r)$

## Tvistur – Skeytarýmd

- Það eru tvær gerðir rýmdar á samskeytum n- og p-hálfleiðara
  - Skeytarýmd vegna tvípólsins á rúmhleðslusvæðinu
  - Rýmd sem stafar af því að spennan fylgir ekki eftir þegar straumur breytist um skeytin, geymd hleðsla
- Báða þessa rýmdarþætti þarf að taka til greina við hönnun p-n-skeyta
- Auðvelt er að sjá fyrir sér skeytarýmd vegna hleðsludreifingar á rúmhleðslusvæðinu

# Tvistur – Skeytarýmd

• Breidd berasnauðabilsins er

$$W = \left[\frac{2\epsilon(V_0 - V)}{q} \left(\frac{1}{N_{\rm A}} + \frac{1}{N_{\rm D}}\right)\right]^{1/2}$$

• Rýmd er rituð

$$C = \left| \frac{\mathrm{d}Q}{\mathrm{d}V} \right|$$

þar sem hleðslan Q ræðst af breidd berasnauðabilsins.

$$|Q| = qAx_{n0}N_{\rm D} = qAx_{p0}N_{\rm A}$$

eða

$$|Q| = A \left[ 2q\epsilon(V_0 - V) \frac{N_{\rm D}N_{\rm A}}{N_{\rm A} + N_{\rm D}} \right]^{1/2}$$

#### Tvistur – Skeytarýmd

• Rýmdin er því spennuháð

$$C = \frac{A}{2} \left[ \frac{2q\epsilon}{(V_0 - V)} \frac{N_{\rm D} N_{\rm A}}{N_{\rm A} + N_{\rm D}} \right]^{1/2}$$

eða

$$C \propto (V_0 - V)^{-1/2}$$

 Við sjáum einnig að ef N<sub>A</sub> ≫ N<sub>D</sub> og x<sub>n0</sub> ≈ W þegar x<sub>p0</sub> er óvera þá er

$$C = \frac{A}{2} \left[ \frac{2q\epsilon}{(V_0 - V)} N_{\rm D} \right]^{1/2}$$

 Það má því finna íbótarþéttleikann í n-efninu, sem er minna íbætt, með því að mæla rýmd





- Samloka málms, oxíðs og hálfleiðara gegnir afar mikilvægu hlutverki í nútíma rafeindatækni
- Þetta tól er nefnt MOS-tvistur (e. MOS-diode)
- Í raun má líta á samlokuna sem plötuþétti þar sem önnur platan er málmur og hin hálfleiðari



- Þversnið samloku málms, oxíðs og hálfleiðara sést á myndinni
- d er þykkt oxíðsins og V er spenna sem lögð er á málmskautið
- Þegar neikvæð spenna er lögð á málminn þá væntum við þess að jafnstór jákvæð hleðsla safnist á yfirborð hálfleiðarans
- Í hálfleiðara af p-gerð kemur þetta fram sem söfnun hola við samskeyti hálfleiðara og oxíðs
- Á sama hátt leiðir jákvæð spenna á málminn af sér neikvæða hleðslu á yfirborði hálfleiðara



- Orkuborðamynd af MOS kjörtvisti við V = 0
- MOS kjörtvistur er skilgreindur þ.a. við V = 0 er orkumunur vinnufalls málmsins  $q\phi_m$  og hálfleiðarans  $q\phi_s$ , núll, skilgreint

$$q\phi_{\rm ms} = q(\phi_{\rm m} - \phi_{\rm s}) = q\phi_{\rm m} - \left[q\chi + \frac{E_{\rm g}}{2} + q\phi_{\rm b}\right] = 0$$

## Málmur-oxíð-hálfleiðari (MOS)

- Hér er  $\chi$  rafeindasækni hálfleiðarans og  $q\phi_b$  er orkumunurinn milli Fermiorkustigsins  $E_F$  og eigin Fermiorkustigsins  $E_i$
- Orkuborðarnir eru flatir þegar engin spenna er lögð á
- Eina hleðslan sem er til staðar í tvistinum, við hvaða álagða spennu sem vera vill, er í hálfleiðaranum og síðan jafnstór hleðsla með andstæðu formerki á yfirborði málmsins sem liggur að oxíðinu
- Engin flutningur hleðslubera á sér stað um oxíðið við álagða dc-spennu
- Gerum ráð fyrir málmi, oxíði og hálfleiðara af p-gerð



- Þegar spennan er neikvæð (V < 0) þá bogna borðarnir við yfirborð hálfleiðarans upp á við
- Enginn straumur rennur um tólið, óháð álagðri spennu, ef gert er ráð fyrir MOS kjörtvist, þar með er Fermiorkustig hálfleiðarans fast

#### **MOS – Neikvæð álögð spenna** (V < 0)

• Hleðsluberaþéttleiki ríkjandi bera í hálfleiðara

$$p_{\rm p} = n_{\rm i} \exp\left[(E_{\rm i} - E_{\rm F})/kT\right]$$

- Þegar borðarnir bogna upp á við eykst orkumunurinn  $E_i E_F$  og þar með safnast fyrir holur við samskeyti oxíðs og hálfleiðara
- Hleðsludreifing er sýnd á mynd (a) þar sem  $Q_s$  er jákvæð hleðsla á einingarflöt í hálfleiðaranum og  $Q_m$  er neikvæð hleðsla á einingarflöt í málminum  $|Q_m| = Q_s$



- Þegar lág jákvæð spennan er lögð á málminn (V > 0) þá bogna borðarnir við yfirborð hálfleiðarans niður á við og fjöldi ríkjandi bera, hola, við samskeyti oxíðs og hálfleiðara er skertur
- Holum er ýtt frá samskeytunum, sem skilja þá eftir berasnautt bil þar sem eftir standa jónaðir rafþegar
- Rúmhleðsla á flatarmálseiningu,  $Q_{\rm sc}$ , í hálfleiðaranum

$$Q_{\rm sc} = -qN_{\rm A}x_{\rm d}$$

þar sem  $x_{d}$  er breiddin á berasnauðabilinu



- Þegar há jákvæð spenna er lögð á, þá bogna borðarnir ennþá meira svo að eigin orkustig hálfleiðarans E<sub>i</sub> við yfirborðið fer niður fyrir Fermiorkustigið
- Rafeindaþéttleikinn er háður  $E_{\rm F} E_{\rm i}$  samkvæmt

$$n_{\rm p} = n_{\rm i} \exp\left[(E_{\rm F} - E_{\rm i})/kT\right]$$

• Ef  $E_{\rm F} - E_{\rm i} > 0$  þá er þéttleiki víkjandi bera  $n_{\rm p}$  við yfirborðið orðinn meiri en  $n_{\rm i}$  og þéttleiki ríkjandi bera  $p_{\rm p}$  minni en  $n_{\rm i}$ 

# MOS – Há jákvæð spenna $(V\gg 0)$

- Fjöldi rafeinda (víkjandi bera) er því orðinn meiri en fjöldi hola (ríkjandi bera)
- Svæðið næst samskeytum hálfleiðara og oxíðs er því umhverft (e. inverted)
- Ef borðarnir eru beygðir enn frekar kemur að því að leiðniborði nálgast Fermiorkustigið.
- Þá eykst rafeindaþéttleikinn næst samskeytunum mjög hratt
- Þegar hér er komið sögu er mestur hluti neikvæðra aukahleðslna í hálfleiðaranum Q<sub>n</sub> vegna rafeinda í þunnu umhverfðu lagi 0 ≤ x ≤ x<sub>i</sub>, þar sem x<sub>i</sub> er breidd umhverfða lagsins
- Dæmigerð gildi á  $x_i$  eru 1 10 nm en alltaf mun minna en berasnautt bil yfirborðsins



- Þegar umhverft lag hefur myndast tekur berasnauða bilið hágildi sitt
- Lítil aukning í borðabognun (sem samsvarar lítilli breytingu í breidd berasnauðabilsins) veldur mikilli aukningu hleðslu á umhverfða svæðinu  $Q_n$
- Við algera umhverfingu er hleðsla á einingarflatarmál í hálfleiðaranum gefin með

$$Q_{\rm s} = Q_{\rm n} + Q_{\rm sc}$$

þar sem

$$Q_{\rm sc} = -qN_{\rm A}x_{\rm dmax}$$

og  $x_{dmax}$  er mesta breidd berasnauða bilsins



- Rafstöðumættið  $\psi$  er skilgreint núll í bol hálfleiðarans og við yfirborð hálfleiðarans er mættið  $\psi_s$  nefnt **yfirborðsmætti** (e. surface potential)
- Rita má rafeinda- og holuþéttleika sem fall af rafstöðumættinu

$$n_{\rm p} = n_{\rm i} \exp\left[q(\psi - \psi_{\rm b})/kT\right]$$

$$p_{\rm p} = n_{\rm i} \exp\left[q(\psi_{\rm b} - \psi)/kT\right]$$

þar sem  $\psi$  er jákvætt þegar borðinn er beygður niður á við

• Við yfirborðið er þéttleiki hleðslubera

$$n_{\rm s} = n_{\rm i} \exp\left[q(\psi_{\rm s} - \psi_{\rm b})/kT\right]$$

$$p_{\rm s} = n_{\rm i} \exp\left[q(\psi_{\rm b} - \psi_{\rm s})/kT\right]$$

- Við sjáum því að fyrir yfirborðsmættið gildir:
  - $\psi_{\rm s} < 0$  Uppsöfnun hola (borðar bogna upp á við)
  - $\psi_{\rm s}=0$  Flatur borði
  - $\psi_{\rm b} > \psi_{\rm s} > 0$  Holurýrnun
  - $\psi_{\rm s}=\psi_{\rm b}$  Miðja orkugeilar með  $n_{\rm s}=n_{\rm p}=n_{\rm i}$
  - $\psi_{\rm s} > \psi_{\rm b}$  Umhverfing (borðar bogna niður á við)

• Hegðun mættisins sem fall af staðsetningu er gefin með jöfnu Poisson

$$\frac{d^2\psi}{dx^2} = -\frac{\rho_{\rm s}(x)}{\epsilon_{\rm s}}$$

þar sem  $\rho_{\rm s}$  er heildar rúmhleðsluþéttleikinn

• Þegar berasnautt svæði myndast í hálfleiðara þá er hleðslan gefin með

$$\rho_{\rm s} = -qN_{\rm A}$$

 Með því að tegra jöfnu Poisson fæst rafstöðumættið í berasnauðabilinu við yfirborðið

$$\psi = \psi_{\rm s} \left[ 1 - \frac{x}{x_{\rm d}} \right]^2$$

og þar með er yfirborðsmættið

$$\psi_{\rm s} = \frac{q N_{\rm A} x_{\rm d}^2}{2\epsilon_{\rm s}}$$

- Athuga ber að mættið svipar til mættis á  $n^+ p$ -skeytum
- Yfirborðið er umhverft þegar  $\psi_{\rm s} > \psi_{\rm b}$

• Þegar alger umhverfing hefst gerum við ráð fyrir að rafeindaþéttleiki við yfirborið sé jafn íbótarþéttleika við yfirborðið

$$n_{\rm s} = N_{\rm A}$$

ef gert er ráð fyrir p-leiðni hálfleiðara

- Þegar þetta gildir er Fermiorkustigið við yfirborðið jafnmikið ofan við eigin Fermiorkustigið og það er neðan við eigin Fermiorkustigið í bolnum
- Þar eð  $N_{\rm A} = n_{\rm i} \exp(q\psi_{\rm b}/kT)$  þá má rita

$$\psi_{\rm s}(\text{umhverfing}) \approx 2\psi_{\rm b} = \frac{2kT}{q} \ln\left(\frac{N_{\rm A}}{n_{\rm i}}\right)$$

- Berasnauðabilið við yfirborðið nær mestu dýpt þegar umhverfing við yfirborðið er alger
- Samkvæmt því er dýpt berasnauðabilsins þegar  $\psi_{\rm s}=\psi_{\rm s}({\rm umhverfing})$ eða

$$x_{\rm dmax} = \left(\frac{2\epsilon_{\rm s}\psi_{\rm s}({\rm umhv.})}{qN_{\rm A}}\right)^{1/2} \approx \left(\frac{2\epsilon_{\rm s}(2\psi_{\rm b})}{qN_{\rm A}}\right)^{1/2}$$

eða

$$x_{\rm dmax} \approx \left(\frac{4\epsilon_{\rm s}kT\ln(N_{\rm A}/n_{\rm i})}{q^2N_{\rm A}}\right)^{1/2}$$

• Þar með er

$$Q_{\rm sc} = -qN_{\rm A}x_{\rm dmax} \approx \sqrt{2q\epsilon_{\rm s}N_{\rm A}(2\psi_{\rm b})}$$



- MOSFET (e. Metal-oxide semiconductor field effect transistor) er mikilvægasta tólið í örtölvum og minnisrásum
- MOSFET hefur orðið almenna merkingu og flestir nútíma MOSFET hafa ekki gátt úr málmi heldur fjölkristölluðum kísli
- Þeir hafa stundum verið nefndir IGFET (e. Insulated gate field effect transistor)



- Hann er byggður á p-leiðandi undirlagi (fyrir n-rása tól) sem í eru mynduð tvö  $n^+$  svæði, **lind** og **svelgur**
- Málmskautið ofan í oxíðinu er kallað gátt
- Gáttarskautið má einnig gera úr fjölkristölluðum kísli sem þá er mikið íbættur
- Fjórða tengið eru ohmsk skeyti við undirlagið



- Vídd rásar, Z
- Þykkt oxíðlagsins, d
- Dýpt samskeytanna, r<sub>j</sub>
- Íbótarþéttleiki undirlags,  $N_{\rm A}$



- tveimur p n-skeytum sem snúa bökum saman. Þá rennur þar aðeins lítill mettunarstraumur
- Þegar nægilega há jákvæð spenna er lögð á gáttina, umhverfist svæðið neðan við oxíðlagið (rásin) á milli tveggja háíbættu  $n^+$ -svæðanna
- Þar með eru lind og svelgur tengd með leiðandi braut
- Leiðni rásarinnar stjórnast af spennunni sem lögð er á gáttina



- Þröskuldsspennan  $V_{\rm T}$  er minnsta gáttarspenna sem þarf til að rásin leiði
- Venjulega leiðir rásin ekki þegar engin spenna er lögð á gátt og fer að leiða þegar nægilega há spenna er lögð á, **hvatfeti** (enhancement-type, normally off)
- Í sumum tilfellum er rásin leiðandi við enga álagða spennu. Ef við höfum n-rásar tól þá þarf í því tilfelli neikvæða gáttarspennu til að loka rásinni, latfeti (depletion-type, normally on)



- Fyrir gefna gáttarspennu  $V_{\rm G}$  vex svelgstraumurinn fyrst línulega með aukinni svelgspennu (línulega svæðið) en fellur síðan í mettun
- Brotalínan táknar leg svelgspennunar  $V_{\rm Dsat}$  þar sem straumurinn nær hágildi sínu

#### Frekari upplýsingar

Um helstu hálfleiðaratól er fjallað í kafla 18 hjá Simon (2013). Fjallað er um pn-skeyti í kafla 3 hjá Sze and Lee (2012) og kafla 4 hjá Hu (2010) og um MOS og MOSFET í kafla 5 hjá Sze and Lee (2012) og köflum 5 og 6 hjá Hu (2010).

#### Heimildir

Hu, C. C. (2010). Modern Semiconductor Devices for Integrated Circuits. Upper Saddle River, NJ: Prentice Hall.

Simon, S. H. (2013). The Oxford Solid State Basics. Oxford: Oxford University Press.

Sze, S. M. and M. K. Lee (2012). Semiconductor Devices: Physics and Technology (3 ed.). John Wiley & Sons.